

更字錯謬苗虛一幼反筏喻焰伐雍紅卷反正作
靈字漣清字同

福建書林刊

大宋國嘉興府華亭縣白砂鄉十五保居住奉
佛弟子方光同妻朱氏吾娘家眷等謹致誠意施淨財壹
聖院大藏經坊刊造方字函持世經壹拾卷流通佛教所集功德專用追薦
先考李府幹公尊靈承此良因超昇佛界仍祝在堂母親夏氏已亥年歲次癸
保扶福壽增靈庭光顯吉祥如意者 淳祐元年十月日奉佛弟子方光謹題

持世經卷第二

方六

姚秦三藏法師鳩摩羅什譯

傅詒刊

五陰品之餘

持世何謂菩薩摩訶薩觀擇行陰持世諸菩薩摩訶薩觀行陰從顛倒起虛妄憶想分別假借若有菩薩尔時若身行口行意行皆觀不淨無常若空無我如是觀時作是念非意是行陰苦陰是行陰衆因緣生陰是行陰像陰是行陰諸行陰無增無減無集身行口行意行無有作者智者不貪受是行陰所以者何是諸身行不在身內不在身外不在中間口行意行亦復如是不在意內不在意外不

在中間行陰中無行陰相何以故是行陰從衆因緣顛倒是虛妄不真先業果報所攝亦令因緣所繫能有所行諸所有行若身行若口行若意行皆非真行無所有行虛妄行顛倒行是故說非陰是行陰何以故智者不決定得行陰相是身行是口行是意行此處彼處若內若外又身口意行尚無決定行相可得可說何況行陰可得可說是故說無陰是行陰凡夫起顛倒想貪著身口意行憶念分別是行陰為行陰所縛馳走往來凡夫以顛倒故起身口意行起已貪著歸趣無法生法想無陰生陰想著顛倒行故為行陰所繫往來五道常隨身口意行不能如實觀身口意行不能如實觀行陰故以身口意業而起諸行是諸凡夫著顛倒故著不真法故著虛妄故數名行陰持世諸菩薩於此中如是正觀諸行無有根本羸劣無力以衆緣和合可說行陰是中無有真實行陰無陰是行陰從本

已來不生是行陰無性是行陰諸行前際不可得後際不可得中際不可得無有住時諸行念念生滅持世諸菩薩如是正觀行陰空不可得不堅牢相乃至毫釐亦不可得作是念是諸凡夫爲不堅牢法所繫行陰所繫貪著所縛起身口意行我是行我所是行起如

是業爲行陰所縛不知行陰性入無明癡冥於諸行中生真實想以顛倒故貪著受取行陰是人貪著受取行陰故或起樂行或起苦行或起不苦不樂行是人起樂行已得樂身起苦行已得苦身起不苦不樂行已得不苦不樂身是人得樂身已生受得苦身已生恚

持世二

不得苦不樂身已生癡是人以愛恚癡故不見諸行過惡不能清淨身口意行是人身口意行不清淨故墮不清淨道所謂地獄畜生餓鬼或時暫得生天人中貪著身口意行深著行陰諸菩薩摩訶薩應知是正觀今我等不應隨凡夫學我等應清淨身口意行不應

貪著行陰應觀行陰過惡應求出行陰道如是觀者名爲如實正觀行陰亦名正觀行陰無常即時如實觀諸行諸行集諸行滅諸行滅道不受不貪不著諸行亦不貪著行陰如是觀時遠離行陰相亦行無行陰道即觀諸行空於一切行中驚怖生厭離心但起清淨身口意行壞行相故離行陰相故是人有所得身皆是清淨何以故是人身業清淨口業清淨意業清淨身行清淨口行清淨意行清淨是人遠離行陰遠離行陰相壞諸法及根本相如是正觀時見行陰無所從來去無所至不得諸行決定生相亦不得決定滅相即觀諸行無生滅相一切諸行亦無生滅是人觀一切諸行無生滅相生厭離心正通達諸行集滅相雖證諸行無生相而善通達諸行相何以故持世是行陰無決定相辭如芭蕉堅牢相不可得無堅牢相亦不可得行陰亦如是堅牢相不可得無堅牢相亦不可得持

方持世二

三

報

世諸菩薩摩訶薩觀擇思惟入行陰如是持世何謂諸菩薩摩訶薩正觀擇識陰諸菩薩摩訶薩觀非陰是識陰顛倒陰是識陰虛妄陰是識陰何以故持世是識陰從顛倒起虛妄緣所繫從先業有現在緣所繫屬衆因緣虛妄無所有憶想分別起從識而生有所識故名之爲識從憶想分別覺觀生假借而有有所識故數名爲識以識諸物故以起心業故以思惟故衆緣生相故起種種思惟故數名識陰從有所識有識像出示心業故攝思惟故數名識陰或名爲心或名爲意或名爲識皆是意業分別故識陰所攝識相識行

識性示故數名識陰如是非陰是識陰不生不起不作但以顛倒相應緣虛妄知故數名識陰何以故是識陰從衆因緣生無自性次第相續生念念生滅是識終不生陰相何以故是識陰生相不可得決定相亦不可得生相不可得故決定相不可得故根本無所有

故自相無故堅牢不可得故智者正觀擇通達非陰是識陰凡夫於非識陰生識陰想以覺觀分別憶想顛倒相應虛妄所縛故強名爲識陰貪著是識陰依止所識依止識種示思惟故生起識陰是人種種分別貪著內識貪著外識貪著内外識貪著遠識貪著近識以識相故分別起識陰是人以憶想分別若心若意若識假借強名是心是意是識如是知種種心相生是凡夫貪著識陰爲識陰所縛心意識合故起種種識陰分別虛妄事故以一相故以決定相故能得是心是意是識能得分別愛著是人依止識陰深貪識故亦得過去識陰貪著念有亦得未來識陰貪著念有亦得現在識陰貪著念有諸凡夫於見聞覺知法中計得識陰貪著念有是人貪著見聞覺知法爲識陰所縛貴其所知以心意識合繫故馳走往來所謂從此世至彼世從彼世至此世皆識陰所縛故不能如實知識

陰識陰是虛妄不實顛倒相應因見聞覺知法起此中無有實識者若不能如是實觀或起善識或起不善識或起善不善識是人常隨識行不知識所生處不知識如實相持世諸菩薩摩訶薩於此中如是正觀知識陰從虛妄識起所謂見聞覺知法中衆因緣生無法生法想故貪著識陰我等不應隨凡夫學今我等當如實正觀擇識如實正觀擇識陰是諸菩薩如實觀時知識陰虛妄不實從本已來常不生相知非陰是識陰像陰是識陰幻陰是識陰辟如幻所化人識不在內亦不在外不在中間識性亦如是如幻性虛妄緣生從憶想分別起無有實事如機關木人識亦如是從顛倒起虛妄因緣和合故有如是觀時知識皆無常苦不淨無我知識相如幻觀識性如幻菩薩余時作是念世間甚為狂癡所謂從憶想分別識起於世間與心意識合三界惟皆是識是心意識亦無形無方不

在法內不在法外凡夫爲虛妄相應所縛故於識陰中貪著若我若我所是人貪著識陰在內貪著識陰在外貪著識陰在內外貪著識陰在彼我是人貴此識陰爲識陰所縛受識陰味說識陰相所謂若心若意若識隨味行故貪受識陰是人爲識所縛識陰合故爲

方持廿二

耶

心意識所牽以心意識因緣力故生是凡夫若起下思得下身若起上思得上身若起中思得中身是人隨心意識力故生依止諸入貪著識陰故不脫生老病死憂悲苦惱菩薩於此中如實正觀識陰如實觀識陰無常相故過去識陰不貪不著不念知非陰是識陰未來世識陰亦不貪不著不念知非陰是識陰現在識陰亦不依止如實知識陰無常相如實知識陰生滅相若如是思惟正觀識陰是名正觀入識陰道所謂如實知識如實知識集如實知識滅如實知識滅道是人如實觀識陰集滅相能壞識陰能斷一相知識陰

集滅相亦通達識陰集滅相菩薩尔時亦不生識陰亦不滅識陰是識陰從本已來無生如是觀時不分別識滅相通達識陰無生亦何以故持世是識陰無生無相無成是識陰生性虛妄故入在無生相中持世識陰終不有生滅相是識陰相從衆因緣生持世菩薩摩訶薩如是觀因緣法非陰是識陰觀擇信解證知通達諸所有識悉皆知實菩薩摩訶薩知識實故皆破一切所緣所知持世菩薩摩訶薩如是觀識陰知是識陰無生者無作者無起者無受者無使受者但以衆緣生衆緣合故有緣見聞覺識法故繫有從本已來常畢竟空如是觀識陰時即知識陰是無作無起相不貴不著持世諸菩薩摩訶薩如是正觀擇入識陰若菩薩能如是方便入五陰能如是方便正觀擇五陰是名通達入五陰集滅道皆能斷諸陰相真知五陰方便以是方便故於五取陰中不貪不著不縛不繫如實知色

如實知色無常相是菩薩若於色有欲染則能除斷亦如實知受想行識亦如實知受想行識無常相若於受想行識中有欲染則能除斷菩薩於五取陰中除斷欲染故隨順通達決定五陰方便如是觀時能知五取陰微細生滅相持世何謂菩薩摩訶薩能觀擇五取陰細微生滅相者菩薩摩訶薩觀衆生初入胎歌羅羅時先五陰滅即更有五陰生從是已來觀五陰生滅相雖先識滅亦知五陰非斷滅相識雖依止歌羅羅亦知五陰不至不常如是觀初入胎一念五取陰生滅相從歌羅羅乃至出生及後增長乃至死時觀此五取陰念念生滅相是五取陰念念生滅如是觀擇五取陰微細生滅相持世是五取陰微細生滅相者所謂先五取陰滅次第無物至胎識初合時五陰即有生滅因歌羅羅五取陰假名爲人所以者何持世識無所依則不能住識所依者五取陰是持世又無色界

方持世二

耶

諸天五取陰細微生滅相亦應如是知持世
如是細微五取陰生滅相辟支佛智慧所不
能及何況聲聞智慧惟諸佛如來善知五取
陰從初入胎細微生滅相及無色天諸陰念
念生滅所謂一切智慧出一切世間智慧諸菩
薩摩訥薩得無生法忍至佛慧境界是人雖

如是觀擇五取陰細微相從初入胎乃至無
色天亦不能究盡如諸佛所知持世諸佛如
來無有隨他智慧自然得一切智慧方便得
阿耨多羅三藐三菩提諸佛智慧無所不達
諸佛無礙智慧於一切法中得決定慧於一
切法中得自在力何以故於無量無邊千萬

方持世二

七

亦

億阿僧祇劫行於深法故持世一切凡夫不
能如是方便觀五取陰何況觀五取陰細微
生滅相何以故諸凡夫人不能知五取陰不
能知五取陰如實凡夫不知取不知取陰持
世何謂爲取取名我取衆生取見取戒取五
陰取十八性取十二因緣取是名爲取乃至

所有法若內若外所謂欲取有取見聞覺識
取我我所取持世凡夫於此虛妄取不知不
見顛倒因緣而取諸法是人爲取所繫無明
因緣取諸行諸行因緣取識識因緣取名色
名色鹿相衆生染著歸趣所謂色取色合色
縛及取四無色陰受想行識分別爲名持世

若無諸佛衆生則無所知無所見不能正觀
五取陰諸佛出於世間壞衆生依止色壞依
止受想行識壞和合一相故諸佛如來作如
是分別汝等所依所歸是名爲色是色但以
四大和合受想行識但有名字名色相成就
故說五取陰汝等衆生莫貪歸此不堅牢五
取陰持世如來何故說五取陰持世是凡夫
人從顛倒生入無明網馳走往來何所歸趣
貪受五取陰相作是念我依止此當以得樂
是人以是樂相貪歸五陰以苦相以不苦不
樂想貪歸五陰凡夫人所歸所依止處是名
五陰持世諸凡夫人從生而盲不知五陰爲

是何等不知五陰從何所來不知五陰如實故貪受五陰是故說名取陰於此中誰有取者此中取者不可得但以顛倒貪著分別虛妄自縛無明癡闇故取我取我所取此取彼是故說取陰取五陰無有取者亦無決定相是故智者知非陰是五取陰顛倒陰是五取陰無明陰是五取陰凡夫於此爲所繫縛貪歸五取陰以貪歸故不知何等是取何等是取陰但爲貪著所歸五陰往來生死貪著是五陰故馳走諸趣貪歸何等貪歸見貪歸聞貪歸覺貪歸識貪歸愛貪歸無明是諸凡夫爲愛縛所縛貪愛五取陰爲諸蓋所覆入無

持世二

明闇冥不知不覺我等今爲貪歸何處繫縛何處以不知故往來地獄畜生餓鬼人天道中生死所縛貪歸生死不放不捨不斷五陰亦不能知五陰如實相不如實知故爲種種苦惱所害墮虛空獄不知出處是人不見出道故於無始生死道中受諸生死是故不能

疾除斷汝等當正觀受想行識亦當如實知受想行識無常相若於受想行想中有欲染者當疾除斷除斷欲染故心得正解脫持世若有人知我所說法義如是能如說修行當得脫生老病死憂悲苦惱若人不能如說修行爲色縛所縛爲愛繫所繫入無明闇冥貪

取五陰是人貪取五陰故不能得脫生死險道持世以是義故說世間與我諍我不與世間諍何等爲世間所謂貪著五取陰者爲世間所攝是人貪歸五陰爲五陰所縛不知五陰性不知五陰空相而與我諍是人違逆佛語與佛共諍故墮大衰惱若有人於佛在世

持世三九報

得脫生死病死憂悲苦惱亦不得度無量生死險道亦不得脫諸大苦聚還復歸趣於苦貪著於苦爲苦所使何等爲苦五取陰是生時但苦生滅時但苦滅持世我以是因緣故爲弟子說法汝等比丘當正觀色陰亦當如實知色無常相汝等若於色中有欲染者當

若佛滅後能如是觀虛妄五取陰空無所有
從顛倒無明闇冥起虛誑妄想但誑凡夫非
五陰似五陰如是之人不與佛諍不逆佛語
故得脫地獄畜生餓鬼苦惱持世諸佛不與
人諍斷一切諍訟名之爲佛但爲衆生演說
實法作是言汝等先所取者皆是顛倒一切

衆生顛倒力故貪歸五陰往來世間是人貪
歸五陰已貪起種種邪見貪歸種種名字貪
歸種種憂悲苦惱是人爲種種邪見煩惱種
種憂悲苦惱之所殘害無有能爲作救作舍
作歸作趣惟佛能救凡夫小心少智慧故貪
嗜五欲依止多過五陰是凡夫人與救者歸
者依者脫一切苦惱者而共諍訟持世我今
舉手其有見五陰者見五陰相者貪五陰者
我則不與是人爲師如是之人非我弟子不
隨我出家不隨我行不歸依我是人入於邪
道入虛妄道取不實者是爲顛倒不知佛意
不知佛隨宜說五陰不知佛第一義是人不

受佛教不應受供養而受是人我尚不聽出
家何況當得受人供養何以故如是之人是
外道徒黨所謂生五陰相者貪著歸趣五陰
者持世當來之世後五百歲法欲滅時於我
法中出家多是生五陰相者持定說五陰相
深貪著五陰入虛妄邪道於我法中而得出

家袈裟繞脰常樂往來白衣居家當知是人
與外道無異亦以我法多爲人衆恭敬供養
持世我說是見五陰者決定說五陰者貪著
五陰者不聽受人一杯之水所以者何是人
於我法中乃至無有柔順法忍是人違逆我
法肯捨聖法持世是故諸菩薩摩訶薩於後
恩世應如是發大誓願於我如是甚深經典
當共護持亦斷衆生五陰見故而爲說法持
世我是經中說破一切陰相離貪著陰相余
時多有在家出家聞如是等經起於諍訟不
生實想菩薩摩訶薩於此中應發大誓願我
等於後恩世貪著五陰邪見衆生作大利益

方持世二

十

報

所謂度脫貪著見五陰衆生隨宜方便以法利益是故持世菩薩摩訶薩若欲得善知諸法實相亦善分別諸法之相欲得念力欲分別一切法章句慧欲得轉身成就不斷念乃至得阿耨多羅三藐三菩提應常觀是五取陰無常相苦相無我相虛妄不堅牢相畢竟空相從本已來不生相常正觀時五取陰中所有欲染則能除斷亦得如是等深法中方便持世過去無量阿僧祇劫爾時有佛名大意山王如來應正遍知明行足善逝世間解無上士調御丈夫天人師佛世尊持世是大意山王佛有八十億那由他聲聞衆皆是阿羅漢諸漏已盡及八十億那由他學地阿那含諸菩薩摩訶薩四十億那由他其大意山王佛壽八萬歲持世爾時有王名爲得益是得益王有二萬大城具足豐樂人民充滿其城七重縱廣十二由旬四寶合成有七重塹皆有欄楯七重行樹諸寶羅網徧覆其上城

整諸樹及上羅網皆以黃金瑠璃磚磲瑪瑙四寶合成一一大城各有五百園林皆有七寶衣樹充滿其中一一園林各有五百寶池八功德水皆滿其中持世是得益王有八萬嬈女其大夫人有二子一名無量意二名無力量力持世是二王子各年十六夢中見佛端

方持世二十一

正無比如闍浮檀金幢見太歡喜覺已各說偈曰其一人言

我今夢見二足尊 金色百福相莊嚴
成就無量諸功德 見已心得大歡喜

第二人言

我夢見佛明如日 端正殊妙第一尊

猶如湧彌衆山王 巍巍高顯見歡喜

持世即時無量意無量力二子詣父母所具說是事白父母言今我二人於夢中見佛惟願父母當聽我等便詣佛所佛久出世我等放逸故不能覺知沒五欲泥爲色縛所縛爲受想行識縛所縛我等在家以放逸故不能

見佛持世是二子爲父母說是事已即詣大意山王佛所到已頭面禮佛足請佛及僧三月四事供養衣服飲食卧具醫藥於大城邊莊嚴得益王所遊園林縣縉幡蓋寶華覆地奉佛及僧令止其中其二王子三月之中以一切樂具供佛及僧供養已畢於佛法中俱

共出家持世其大意山王佛知此二王子深心所願而爲廣說是五陰十二入十八性菩薩方便經於四萬歲中終不睡眠常不蒲食亦不傾卧若坐若經行又於四萬歲中不念餘事但念五受陰虛妄空相知是五陰從顛倒起通達是五取陰相畢其年壽常修梵行命終即生兜率天上於佛滅後還生閻浮提大居士家至年十六復夢見佛爲說是五陰十八性菩薩方便經聞是法已即覺驚懼復於佛法滿萬歲中常修梵行亦復方便深觀是五陰十二入十八性菩薩所行方便經命終生於忉利天上畢天之壽生閻浮提大姓

婆羅門家大意山王佛法末後千歲之中其二人以本因緣故復得出家學問廣博其智如海亦善觀擇是五陰性入法如實通了於其世中教化二萬人二十億天於阿耨多羅三藐三菩提持世是二菩薩從是已後世世同心共值千億那由他佛然後乃得無生法忍得法忍已復值一億那由他佛然後得阿耨多羅三藐三菩提二人同劫次第作佛一名無量音二名無量光持世是故諸菩薩摩訶薩若欲疾得阿耨多羅三藐三菩提當於是清淨無染法中勤行修習此陰入性及餘有爲法中說實知見相

持世二

十三

都

持世經十八性品第三

持世何謂菩薩摩訶薩善知十八性諸菩薩摩訶薩方便正觀十八性作是念眼性眼性中不可得是眼性無我無我所無常無堅牢自性空故眼性中眼性相不可得故眼性虛妄無所有從憶想分別起眼性無有決定相

虛空性是眼性辭如虛空無決定相無相本故眼性亦如是無決定相亦無根本故何以故眼性中實事不可得故眼性無處無方不在內不在外不在中間眼性無決定相以無事故眼性事不可得衆因緣生故眼性不過去不未來不現在眼性眼相不可得眼性不以先業果報故屬現在緣故數名眼性眼性者即是無性眼性中眼性不可得識行處故數名眼性若眼根清淨色在可見處意根相應以三事因緣合故說名爲眼性眼性中無決定眼性相智者通達無眼性是眼性持世諸菩薩摩訶薩若能如是觀擇眼性即通達

方持世二

三

無性是色性何以故色性中色性不可得是色性不合不散色無決定相故說名色性色無根本無分別何況色性色性則是示無根本色性不在色內不在色外不在中間但以憶想分別色在可見處眼根清淨以意識相應見現在色故數名色性辭如鏡中面像若

鏡明淨則生色相鏡中色無決定相鏡中無人而見色像但以外有鏡內起色相如是眼性清淨所綠色性在可見處如鏡中像數名色性色無性相無形性無決定性是名色性諸色相無我故數名色性隨衆生所知故說名色性若人知是色性即知無性是色性無生性是色性無作性是色性何以故是色性不過去不未來不現在示無所有性示虛妄性示假名性名爲色性如是觀擇色性是菩薩正觀擇眼識性所謂眼識中無眼識無眼識性無有常性眼識性無有根本無決定法眼識性無所示是眼識性非合非散無有根本但以先業因緣起屬現在緣數色綠故數名眼識性隨凡夫顛倒心故數名眼識性賢聖通達眼識性即是非性何以故眼識性無決定故從衆緣生屬諸緣故數名眼識性識所行處是眼識性是識無決定故說無決定相無生故示虛妄故能分別色相故能示緣

故說是眼識性隨衆生所知如來方便分別破壞和合一相故說十八性示識無決定相但眼清淨能知色相二法和合故說眼識性示眼識實相故說眼識性眼識性者示眼所行處能識色是眼識性即是說無性何以故智者眼識性中求眼識性相不可得眼識性中亦不得眼識性根本所以者何無決定性是眼識性眼識性者以假名說所說性者即是說不取義能有所見處是眼識意業起是眼識相故名爲眼識以眼性色性眼識性說三事和合以知諸緣相故即是離諸性義所謂是眼性是色性是眼識性有如是數得令衆生入

方持世二古
於實道此中實無眼性色性眼識性諸如來說是知見諸性相方便分別說是諸性若人通達是諸性方便者則知三性無性何以故諸性中無性相故諸性中相不可得故耳性聲性耳識性鼻性香性鼻識性舌性味性舌識性身性觸性身識性皆亦如是持世何謂菩

薩摩訶薩觀擇意性菩薩作是念意性無決定根本無所有故意性中無意性無決定性是意性辭如諸種子種於大地因於水潤得日得風漸漸牙出牙不從種子出種子亦不與牙和合牙生則種子壞種子不離牙牙不離種子牙中無種子意性亦如是能起意業故示意識故如種示牙得名意性離意性則無意意性不能知意假名字故說爲意性是意性不在意內不在意外不在兩中間但以先業因緣故起識是意業故知所緣故諸性名字合故現在緣起故數名意性即是不決定意業相即是衆緣和合相亦說意性從和合起隨衆生所知於第一義中無有意性何以故根本無所有故無生是意性生無所有故意性即是世俗語第一義中決定無意性過去未來現在不可得智者通達無性是意性諸菩薩觀擇法性無性是法性法性無自性自性不可得無決定性是法性法性根本

方持世二古
合起隨衆生所知於第一義中無有意性何以故根本無所有故無生是意性生無所有故意性即是世俗語第一義中決定無意性過去未來現在不可得智者通達無性是意性諸菩薩觀擇法性無性是法性法性無自性自性不可得無決定性是法性法性根本

不可得故決定事亦不可得故但爲起顛倒衆生虛妄結縛有所知故說言法性欲令衆生入無性故說是法性何以故法性中無法性相是法性從衆緣生從衆緣生法即無自性諸因緣中無有自性諸因緣皆從衆緣和合故相續而生如來於此欲教化衆生說是法性以世俗語言示無性法是法性不在內不在外不在兩中間但令衆生知見善不善法以法性說離一切法相知見畢竟空相故說畢竟空即是法性何以故無所有是法性法性中無決定有相辭如虛空無決定相而數名虛空法性亦如是無決定相破法相故說名法性法性中無有住處無處無起無住無依止是法性從本已來不生故是法性無有生者何以故法性中無性故又法性不以合故有無合無散無作無決定名爲法性諸菩薩摩訶薩觀擇法性如是所謂無性是法性持世何謂菩薩摩訶薩觀擇意識性菩薩摩訶薩作是念不生性是意識性不決定性

是意識性意識性無根本無有定法以意識性示無法相何以故意識性中意識性不可得是意識性虛妄無所有顛倒相應以意爲首識諸法故名爲意識隨凡夫所行故說意識性賢聖觀知非性是意識性虛妄無所有是意識性但示因緣法故以意爲首故識諸

緣合故說爲意識性隨衆生所知故如是說智者知非性是意識性從衆因緣生憶想分別起無有性相即是第一義中無性相義世俗法中爲引導衆生故說是意識性欲令衆生知無性是意識性但以小法壞離諸性故說意識性何以故聖人求之不可得意識性

不在意識性內不在意識性外不在兩中間智者通達不合性是意識性意識性不能知意性意性不能知意識性但衆因緣生從顛倒起以意爲首知諸緣二事和合故著虛妄故從覺觀起示衆生識相故說名意識性是意識不在過去不在未來不在現在是意識無所從來去無所至無有住處從本已來不生相意識中無根本定法何以故是意識性相即是無二相即是無相是相不以二相故有無所示性是意識性智者通達意識性如是意識性不在一切法中無處無方不與法若合若散聖人通達不生相是意識性是意

識性無來無去無緣何以故第一義中意識性無緣不可得不可示故智者通達意識性不作是意識性作者不可得故無生是意識性生相無所有故持世菩薩摩訶薩如是觀擇意識性諸菩薩作是觀時觀擇欲界色界無色界皆是無生性無所有性云何爲觀所

方持廿二

十一

都

謂欲界中無欲界色界中無色界無色界中無無色界以界示無界法爲取欲界相者示是欲界爲取色界相者示是色界爲取無色界相者示是無色界以界寄說無界如智者所知無所有界是欲界色界無色界智者不得欲界色界無色界是三界皆無根本無有定法從衆因緣起是故智者知見無界是三界此中無有界相是三界皆虛妄合顛倒行何以故智者不得是三界不說是三界若過去若未來若現在賢聖通達是三界虛妄無所有無自性離諸法但從顛倒起爲斷衆生顛倒故知見三界故如來分別說是三界相

欲令衆生知無界義故說三界非以性相有智者知見三界相是無界相持世菩薩摩訶薩如是觀時觀衆生性我性即是虛空性無所有性無生性何以故衆生性我性虛空性無別無異如是諸性皆從虛空出但從衆緣生故名之爲性此中決定無性相何以故虛空中無一定性是諸性相皆入虛空是無所有義辭如虛空無性是法畢竟離相無所有相一切諸法亦如是離性相諸性中無性相性相不在內不在外不在兩中間性中無有性性中不攝性性不依止性一切性無所依止一切性不生智者於諸法性中不得生性不得滅性不得住性一切諸性不生不起不住從本已來不可得智者不貪不著諸性假名不受不念是故智者通達知見一切諸性皆是無生相若是無生相即無有滅第一義中一切諸性不可得世俗法故分別說諸性第一義中不說諸性智者知見通達一切諸

性如第一義持世諸菩薩摩訶薩如是觀選擇達十八性及三界衆生性我等性虛性諸菩薩如是觀擇通達時不得性不見性亦通達一切諸性假名字亦信解入一切諸性是無性亦知分別諸性以世俗分別說諸性令一切諸性入第一義中亦善通達無性方便亦爲衆生分別說諸性亦令衆生善住諸性方便以世俗語言爲衆生說無性法亦不以二相示諸性雖知一切諸性無二亦以方便說諸性從因緣起雖以世俗言說引導衆生而示衆生第一義雖善知分別諸性而信解通達一切諸性無所有何以故持世如來以第一義故於性無所得亦不得諸法性相持世我於諸法無所斷無所壞得阿耨多羅三藐三菩提何以故第一義中無諸性一切相性無所有無決定一切性同虛空一切性入虛空一切性無生相如來通達一切性如是持世如來不說諸性相亦不說諸法力勢何

持世二十六

那

以故若法無所有不應更說無所有性相持
世如來亦說無所有性相此中實無所說性
相持世是名善分別諸性菩薩摩訶薩得是
善分別能知一切諸性假名能知世俗相能
知第一義相能知諸性決定能知世諦能分
別諸相能知隨宜能知諸相合能知諸相盲
趣能知諸相所入能分別諸相能知諸法相
無性能令一切諸性同虛空性亦於諸性不
作差別於諸性中不得差別不說差別亦爲
衆生善說破壞諸性持世辟如巧幻師能示
衆生種種幻事令知種種幻相若有知識親
友語言是幻說幻實事是幻虛妄示顛倒衆
第十九
菩薩摩訶薩入此幻法中知世間是幻性世
間所行如幻是人以方便力示衆生世間如
幻若有知此世間如實相爲說世間虛妄如
幻若有深智利根不開示之自能得知如諸
法空如幻無實無有根本知一切法皆詐凡

夫一切法皆繫虛妄緣中持世是故諸菩薩
摩訶薩若欲入如是諸性方便於如是等深
經無染無得說一切諸法性知見相說一切
諸性無文字無和合亦說諸性方便智慧亦
說因緣所作盲趣亦說一切諸法如實相所
謂世間出世間有爲無爲繫不繫善知方便
盲趣說第一義世俗義了義經未了義經種
種因緣解說於是甚深經中應勤精進

持世經卷第二

方六

嗜錯視覺已上言即覽前同羸劣上力反毫
釐下力反脰臂項杯與盃同用

華嚴經卷佛信秀美万利方字函持經牛卷情旨刊于第一卷